



Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku broj: 612-06/23 od 09.06.2023. godine po konkurentskom zahtjevu za dostavu ponuda (KZ: 03/23 – Nabavka bezalkoholnih pića i napitaka), a u skladu sa članom 70. i 71. Zakona o javnim nabavkama ("Sl. glasnik BiH", broj 39/14), direktor Mr.sci. Sead Imamović, dipl.ing. donio je

O D L U K U

o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka bezalkoholnih pića i napitaka, po provedenom konkurentskom zahtjevu za dostavu ponuda izabran je sljedeći ponuđač:

**TD "NOVA TRGOVINA-S" d.o.o. Kakanj
sa ukupnom cijenom od 14.958,60 KM bez PDV**

Član 2.

Odbija se ponuda ponuđača "INTER-COM" d.o.o. Zenica kao neprihvatljiva.

Član 3.

Prijedlog ugovora o nabavci dostavit će se na potpis izabranom ponuđaču TD "NOVA TRGOVINA-S" d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača, odnosno u roku od 10 dana od dana obavještavanja učesnika postupka o izboru najpovoljnijeg ponuđača, ukoliko na ovu odluku ne bude izjavljena žalba, u skladu sa članom 98. stav (4) Zakona o javnim nabavkama ("Sl. glasnik BiH", broj: 39/14, 59/22).

Član 4.

Za izvršenje ove odluke zadužuje se i ovlašćuje Komercijalna služba RMU "Kakanj" d.o.o. - Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-6375/23 od 08.05.2023. godine.

Procijenjena vrijednost javne nabavke bez PDV-a je 15.000,00 KM.

Obavijest o nabavci broj: 967-7-1-102-3-160/23 poslata je na objavu 19.05.2023. godine i istog dana i objavljena na Portalu javnih nabavki.

Komisija za javnu nabavku je sačinila Zapisnik o ocjeni ponuda broj: 610-06/23 od 09.06.2023. godine i Preporuku o izboru najpovoljnijeg ponuđača broj: 612-06/23 od 09.06.2023. godine, u postupku javne nabavke roba – Nabavka bezalkoholnih pića i napitaka.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dva (2),
- da su blagovremeno zaprimljene dvije (2) ponude,
- da nema neblagovremeno zaprimljenih ponuda,
- da ponuda ponuđača "INTER-COM" d.o.o. Zenica nije prihvatljiva,
- da je ponuda ponuđača TD "NOVA TRGOVINA-S" d.o.o. Kakanj prihvatljiva.

Ponuda ponuđača "INTER-COM" d.o.o. Zenica je neprihvatljiva iz razloga:

Ugovorni organ je, u skladu sa odredbama člana 48. stav (5) i člana 68. stav (3) Zakona o javnim nabavkama, ponuđaču "INTER-COM" d.o.o. Zenica uputio Zahtjev za pojašnjenje dostavljenih referenci, broj: 588-06/23 od 05.06.2023. godine, s obavezom da na isti dostavi odgovor u roku od 3 (tri) dana od dana prijema Zahtjeva.

Kako ponuđač "INTER-COM" d.o.o. Zenica u ostavljenom roku nije dostavio traženo pojašnjenje, to se njegova ponuda odbacuje, u skladu sa članom 68. stav (4) c) Zakona o javnim nabavkama.

Ugovorni organ je tačkom 8.2. Tenderske dokumentacije predvidio provođenje e-aukcije u predmetnom postupku u skladu sa Pravilnikom o uslovima i načinu korištenja e-aukcije i naveo da u slučaju prijema jedne prihvatljive ponude e-aukcija se ne može zakazati, već se postupak okončava u skladu sa članom 69. Zakona o javnim nabavkama.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka direktor nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač, najbolje ocijenjen zbog:

Najniže cijene, kako slijedi:

	Naziv / ime ponuđača	Cijena
1.	TD "NOVA TRGOVINA-S" d.o.o. Kakanj	14.958,60 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 14.958,60 KM bez PDV.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Rudniku mrkog uglja "Kakanj" d.o.o. -Kakanj, najkasnije u roku od 5 (pet) dana od dana prijema ove odluke.

Za rukovodioca Sektora RFK poslova
po punomoći

Ema Zaimović, dipl.ecc.




Prokurista



Fahrudin Tanović, dipl.ing.maš.

Direktor



mr.sci. Sead Imamović, dipl.ing.

Dostavljeno:

1 x Direktor

1 x Učesnici u postupku javne nabavke

1 x a/a